

續修四庫全書

《續修四庫全書》編纂委員會編

續修四庫全書

上海古籍出版社

一四一七・集部・別集類

橫雲山人集三十二卷（望雲集二、谷口集、還朝集、淮干集、谷口續集、還朝續集）

〔清〕王鴻緒撰

遂初堂詩集十六卷 遂初堂文集二十卷 遂初堂別集四卷（詩集卷一至文集卷十八）

〔清〕潘耒撰

橫雲山人集卷之十

雲間王鴻緒儼齋撰

望雲集

飲馬長城窟行

皎皎當窓月鑒我羅幃清羅幃自孤照萬里同一明此時關塞上正動思歸情玉關杳難入香閣何爲生愁對流黃色蟾光空復盈

送友人歸津門

春風傷別離把酒不能語子唱滄浪歌扁舟渺沙渚遙望水雲重安知釣魚處

橫雲山人集卷之十

訪友不遇

徑引松林密步隨幽澗長山深白雲多照我衣袂光攀躋日亭午花裊谿風涼石室閒無人古書閒妙香

門有車馬客行

門有車馬客何來苦寒鄉言期事明主躋世虞與唐枉尋慮喪已是用懷孤芳孤芳秀空谷葉葉合輝光香氣只在抱詎得從風揚穠彼桃與李繁花嬌艷陽綯采奪人目遊冶爭翱翔世情悅顏色幽貞匪所臧匪臧可若何忖物還自量不忍改初度

去住心徬徨

艷歌行

鳴雁何雖雖旭日升高堂夫婿肅再拜御車登周行俟門揖以入鼓樂聲鏗鏘新婦年十五顏若桃李光頭上何所飾爵釵耀琳琅耳上何所珥蜀葉垂明璫身上何所服羅衣繡鴛鴦腰下何所束錦帶丹霞裳脚下何所履文履金鳳凰帽貼千春勝案列百年觴翁姑爲我喜蘋藻潔管筐親黨爲我喜釜鼎烹牛羊夫婿爲我喜挾瑟招由房一彈復三歎操彼關雎章歡情常若茲白頭寧見傷

橫雲山人集卷之十

送友歸吳

似爾才應達如何遇却稀不知春乍至早送客先歸顏向塵中老花隨行處飛吳江清見底到日浣征衣

相逢行

騎馬出國門謁見朝日暎倏忽雲墨色驟雨翻銅盆我馬苦泥沒四蹄聲摺摺性命絕可憐峻坂詎敢越躊躇道傍久千騎遇良友同車載入關懼索下而走間行迷大川解衣佐刺船世事固若此憂患何時捐

善哉行

四序若轉轂涼燠各一時草木有遞變華落多殊
姿人固百其心愛憎寧不移雖鳴吟靜好所以載
風詩憶昔初結帨懽喜兩不持遽言遠行役三年
杳莫知聞君客京國白馬黃金羈貂蟬冠上飾魚
珮腰間垂朝回出長楸道路生光儀君有萬里樂
妾有萬里思深閨盼鴻雁忽寄雲中詞上言久無
恙下言永不欺茂陵絕私聘章臺罕宴嬉反覆繹
厥旨墮淚如連絲感君故意深不殊初見時

城南看花

橫雲山人集卷之十

三

鳳皇城南春花稠鳳皇城中人出遊嬌紅嫩白秀
可掬沽酒却憶江南樓江南此時花如海鈿車畫
舫花間待勝賞於今隔二年風塵已覺朱顏改

春日同人酌慈仁寺花下

何處百花明春風滿化城枝濃香氣重葉淺翠烟
輕倚石斜分席開奩且拂枰日長多勝事小酌有
餘情

其二

白晝珠林靜繁花選佛場攀條還解笑倚檻爲誰
芳鶯愛光風轉蜂耽蜜釀忙若非同茗芋底事覓

春憤

上已同人集金魚池

祓禊崇元已簪裾集水濱筵開還繞岸杯泛不驚
鱗蘭草貽溱畔珠鈿憶灞津流風傳古意景物倍
宜人

其二

花底張雲幔風光滿碧汀一杯同洛禊曲水即蘭
亭濠上真堪樂林中豈獨醒嘯歌容我輩不藉管
絃聽

送友還鄉

橫雲山人集卷之十

四

四月青門別垂楊壓御堤群鶯當酒度征馬踏花
嘶賣賦充持笈還山傲杖藜鄉書愁懶作倚醉向
君題

其二

羨爾翩然去高堂奉老親琴書三畝宅漁釣五湖
人竹筍春天綠瓜花夏雨新故園幽興滿愁隔帝
京塵

其三

祗被微名縛尊鱸憶未歸夢隨青草遍心向白雲
依郎署相如渴金門曼倩饑贈君無一物把酒濕

征衣

其四

萬國雖戎馬休嗟道路難
聖人真奮武大將快
登壇廊廟虛前席乾坤穩釣竿還家親串在一一
語平安

登寺閣

傑閣層霄上憑欄曉色分
城頭山積翠郭裏樹浮
雲日麗珠光迥風清寶鐸聞
無生應可悟一展貝
多文

其二

橫雲山人集卷之十

五

梵剎何年造花幡寶樹懸
喜開靈鷲雨遠眺薊門
烟蓮擁三千界輪飛尺五天
官閒逢勝地隨意學
逃禪

三徑

門庭人事簡三徑草丰茸
養疾趨朝懶攤書向午
慵鄉音思北雁窓翠借西峰
寂莫揚雄閣何如石
戶農

題畫

天際蒼松洞府開閒看青嶂
到瓊臺石梁斜度春
山靜應有仙人控鶴來

其二

青城寶籙帶天香
馱貯丹砂歲月長
試叩玉童尋
閨苑白雲深處似華陽

送友歸杭州

送子翩然去琴書返越鄉
梅探孤嶼月楓愛斷橋
霜幽賞應無極懷人興莫忘
倘裁招隱賦北雁正
成行

送友歸吳興

春水碧浮天寒光滿
霅川蒲濃堪把釣月白好乘
船我有雲泉僻今為簪紱牽
何時得歸隱招子五

湖邊

其二

少有臨池興蹉跎愧未成
每懷修稷帖不減孟堅
情子往卞山下依然霅水清
若逢未損本為我寄
天京

送友之濬縣任

楊柳拂金溝旗亭控紫驄
送君成遠別使我欲言
愁驛樹迷晨蓋淇泉及早秋
栽花尋往蹟可否弔
枋頭

其二

橫雲山人集卷之十

六

春風千里去烟樹接黎陽唐宋經屯戍袁曹作戰
場中原還格鬪閭左尚遺瘡及此承平日鳩民藝
稻粱

送友參軍幕

王師十萬騎靖寇下荆湘到日殲蛇豕無煩破斧
斨輕裘參幕府長嘯定炎荒露布須磨楯毋稽奏
捷章

遊某氏園

出郭紅塵少芳郊望眼開一林成澗壑數畝具亭
臺看竹何須主臨流獨把杯柳濃鶯乍轉花暖蝶

橫雲山人集卷之十

七

頻來畫壁虛含霧雕闌半拂苔編籬多宛轉步屨
任徘徊園犬能依客山鷄不畏媒雲光生紫翠樵
唱出紆迴即此堪容膝應知有鑿坏尋幽方興劇
無奈夕陽催

送友歸延陵

上書不得意歸臥九龍陂漫作經年別安知後會
期征輪催客夢官柳掛鄉思把釣荆溪畔游鱗好
寄辭

楊柳詞

春明門外碧絲絲短葉長條漾曉颺自是行人留

不得折殘金縷更誰知

其二

掩映郊原接遠空無窮烟雨共冥濛江南塞北年
年恨都在河橋一別中

其三

荏苒黃雲欲雪天風流那得及春前樹猶如此人
何似惆悵靈和憶往年

送友隨征四川

劒閣千重峻懸軍入阻難裹氊緣鳥道轉累上雲
端蟻衆方憑險蠶叢豈彈丸囊中黃石法好爲計

橫雲山人集卷之十

八

除殘

其二

劉禪終銜壁公孫且洞胷矧茲螳臂力曷禦虎牙
鋒早渡三巴水重清兩劍峯相如工草檄灑筆壯
軍容

燕京雜感

幽燕建國元明始一統車書 聖代同紫塞萬山
皆拱北渾河千折自流東圖開督亢川原壯戍列
重關壁壘雄天府崢嶸強百二莫誇周鼎奠秦中

其二

禁垣東列小南城風輦歸來故國情一載瓊廬侵
月冷六年金殿鎖秋清武功半夜重門啓忠肅丹
心萬古明異代君臣俱逝水蒼龍門外賸啼鶯

其三

世宗齋殿切雲端羽士星旗醺夜闌白鶴幾經騰
碧漢醺辰白鶴四蟠桃還報餉瑤壇桃降御輦上

真符禦邊庭寇僉答有警徽冊金泥絳闕官三十

上睿皇帝及獻皇后法主等號莫悵鼎湖留不得塵揚瀛海已無

瀾

其四

橫雲山人集卷之十

九

瓊華仙島液池邊玉螭雙垂繡榜懸廣殿璧璫傳

勝國瓊華島明時尚有廣寒殿妝樓金粉記當年峯移艮嶽歌

殘土自艮嶽移臺湧蕃幢拂半天聖世與民同苑

圍任攀宮柳看晴烟

秋日少宰宋蓼天先生招同馬殿聞蔣謂公

徐果亭官宗衮黃伯和韓元少董方南繆

鈞聞李倚江顧伊在飲黑龍潭

宋公逸興山公儔休沐往往耽林丘提壺挈榼招

賓從秋清霽色城南遊城南霜葉紅似錦歸然古

寺傳龍湫老龍蟠伏泉洞黑元氣濛濛江海濕雷

霆有時驅作雨鱗甲光騰半空立我來波靜抱珠

眠蒲綠苔明繫馬入松楸烟鎖白日幽神鬼堂虛

意悽惻其偏峭崿山軒聳山翠千層壓窓重把酒

頓覺鬚眉青滿座秋雲拂衣動人生歡宴豈有窮

少焉月出疎林東銅鞮晚唱各歸去溪巖颯颯生

清風

壽沈繹堂先生

學士家聲舊與朝振羽儀鳳池原世澤雞樹自新

枝硯詠思親操經傳述祖詩陞高三唱早仗簇百

花歌月鎖蘭臺草星懸秘閣藜不妨嚴助出詎說

橫雲山人集卷之十

十

馬卿辭杖節開龍甸麾旌下舜祠河水喧畫角潞

柳拂朱旗帝德旁求切公才物望推風雲一氣

合舟楫八荒思詔獻甘泉賦人看太學碑自天優

寵秩此日識珍奇銀筆暉丹地金貂賜赤墀三階

旬月轉五字九重知掌故仍荀悅詮經復賈逵酒

從仙液注燭近御屏移越水承瑤節吳山駐玉羈

明珠羅海嶠神馬出天池身係蒼生望名真當代

師經綸襄袞職匡濟翊昌期末學驚河漢童齡奉

鼎彝昔邀分月旦今喜侍風規禁掖鵷隨後雲霄

豹未窺流霞朝獻日甘露夜濃時玉樹迎文砌琪

花媚綺帷公身關社稷黃閣佇台司

懷林武宣叅浙江總制李公軍幕

鯨氛蜃氣漲閩天秉鉞元戎獨被堅嶺據崢嶸屯
虎豹郡樓高嘯靖烽烟

其二

七嶺仙霞路鬱盤一夫守險上天難豹韜須展攻
堅策早蕩歐池散揭竿

即事

萬里羅施國經時斷吉音鳥江蠻霧毒銅鼓戰雲
深苗洞皆椎結羊腸盡箐林王師天上落蠹爾是

橫雲山人集卷之十

十

何心

其二

褒驛通秦蜀連雲棧閣懸五丁曾鑿嶂千折迥摩
天螳斧泥封谷雷車電作鞭亞夫方秉鉞掃蕩豈
經年

其三

吳淞原降將曾無佐命勲一身多反骨萬里煽妖
氛草竊潢池盜天威太乙軍擊虜看雪夜鐃吹震
溟雲

其四

八屯皆鐵騎六郡盡軍鋒入陣驚飛豹摧堅直坎
壟不難清隴狄立可蕩巴邛早晚來俘馘歡呼動
九重

秋日早朝和唐人韻 節課

五夜趨蹌禁籞長秋深宮殿鬱青蒼銀河瀉影低
仙掌玉律吹商協總章魚珮班分天仗下獸鑪晴
散御屏香只今萬國銷戎馬重譯南來仰聖王

其二

仙人閣上轉更籌閭闔垂裳焚雉裘共慶九衢皆

橫雲山人集卷之十

十

設鐸常懸四目自凝旒霜明鴛瓦晴鳥起日捲鸞
旗翠嶺浮盛事聖朝光竹冊詞臣簪筆侍螭頭

其三

晨鐘秋動鳳樓寒閣道鑾輿闢上闌丹陛笙璫傳
九奏玉班雲鳥紀千官花交彩旆新霜濕光湧金
溝落月乾最是至尊宵旰切函風圖畫識艱難

其四

朝看太史新書穀還憶明堂舊薦桃燕雀曉驚仙
蹕起雲霞晴覆玉螭高賡歌未易酬天筆頌德
何由借月毫才拙自慚逢聖主鳳皇池上一鴻

毛

家累還鄉

八口京華客相依冀北樓入春驚判袂今日送歸舟
莽莽關山險荒荒鼓角愁不堪青鏡淚灑向潞河流

其二

京雒空留滯嗟同廡下鴻夢隨形影外人老別離中
險道休乘月奔流莫趁風只愁多梗塞何日到江東

其三

橫雲山人集卷之十

七

憐汝思親劇烽烟悔出門伶俜還獨返辛苦更誰論
戍鼓宵帆黑津橋曉纜昏幾時浮一棹偕隱學山村

其四

盜賊猶充斥關河動八哀妻孥渾未解顏笑強頻開
報主吾應在寧親汝暫回遙知扶杖待驚喜帝京來

其五

歸路春光滿休添別恨多綠護消日月赤鯉放江河
穉女穿針弱高堂握髮皤承顏兼鞠養珍重意

如何

其六

官冷真難住行行重別離自知同泛梗姑妄說歸期
室遠思偏邇愁長夢到遲琴釵慚細物贈婦強裁詩

其七

故園千里外環海正屯兵歸去知蕭瑟年來苦踐更
奉公惟夜織課僕且春耕獨憶清砧響無由寄遠征

其八

橫雲山人集卷之十

七

吾父推耆舊逢人再拜難稍能耽服食時喜報平安
籬菊長同隱松雲早棄官子歸勤寢膳爲我勸加餐

其九

寄語吾家姊分離悵四年刀圭何未效眠食可如前
解珮晨鷄候九熊夜雨天老親書札至念此倍潸然

其十

客裏携雙女青絲覆額長年華憐尚小聰慧喜堪狂
背地爭梨數逢人學語忙不知離別意嬉笑上

歸航

飲友人齋

何處春風得酒賒
况逢幽閣有梅花
山中久別無人賞
客裏欣看到日斜
若予不酬真覺負
酸寒相並更誰誇
當年杜叟多吟興
空對疎枝感鬢華

下直

校讐東觀經旬日
下直朝來得少閒
門外不須人過訪
花間唯喜鳥相關
解衣自忖園常減
閱世多愁鬢欲斑
辜負扁舟泛三泖
滄浪一曲弄潺湲

郭外

橫雲山人集卷之十

五

郭外幽芳何處尋
柳邊繫馬到珠林
數聲清磬香臺迥
一徑飛花玉洞深
坐近碧泉貪澗響
人經赤日愛松陰
試參象教無生理
可是儒家靜後心

金山

景皇陵墓金山麓
隧道松楸僅一區
晏駕不聞憑玉几
攀髯那為葬珠襦
蒼梧血淚人幾盡
虬蟠唐帝自盡汪后賴
李賢救獲免
睿武兵謀事豈無
帝升遐或云奄人蔣安
繼之也
龍馭若還尋少保
薊雲燕月到西湖
忠肅墓在

補 日講官恭紀

忽驚中禁紫綸傳
未學如臣濫講筵
圖啓箕疇陳瑣闥
恩携班管頌甘泉
蓬山日映彤墀仗
桂殿香浮玉案烟
聖世崇文懽萬國
垂裳不數鎬京年

其二

閭闔薰風拂舜琴
每開温室命儒林
丹書親訪橐弓日
玉漏嘗縈問夜心
雲護僊盤晴色滿
露濃宮樹落花深
更知黼座咨民隱
宵旰頻班九牧箴

講筵恭紀

橫雲山人集卷之十

六

龍筵珠宸敞延英
東壁圖書映日明
論道欣占姬鼎奠
賡歌自叶舜絃清
香烟繞仗移銅鴨
仙露含花落翠旌
此際南宮瞻劍舄
九霄常捧泰階平

其二

晴光晨照玉芙蓉
翰墨天香散九重
大易爻疇探宓禹
尚書禮樂見夔龍
祥雲自覆談經幄
神雀常飛繞仗峰
睿筭太平還止武
漸銷金甲事三農
有宗藩建十旬道
場鶴舞雲表徵詩
紀盛因賦

賦

親藩旄鉞貴元胄
孝思崇蚪篆開芝
闕龍符奏玉宮驅
鷄清漢外咤杖紫
雲中肅穆靈壇迥
悠然一

悉通

其二

菊水氤氲夜楓林澹蕩時仙花依座散麝月拂筵
遲書自青牛著爐從赤箭炊羽衣長鶴立彷彿降
霧旗

其三

玉盃鉤緣果金釭寶相花神霄顙項里碧落廣平
家曲引龍吟曼簫迴鳳舞斜原從天上錫應有駕
麟車

其四

靈鼓聞三奏蓬萊瑞鶴鳴棲松珠結樹搏霧玉盤
城日月暉南極烟霞護北平不知王子晉何事獨
吹笙

主京兆試闈中示同年韓慕廬

北溟起鯢鵬波浪濶萬里忝司文衡柄旦旦誓諸
水刻厲余影衷蕩滌脂膏累祗恐五色逃未足厭
多士銀燭燦風簾隄塵列斐几魚豕混莫讐甲乙
雜難紀間得沙中金盈握竊共喜桃蹊詎敢私衣
鉢何妄擬惟求神奧區殖彼桐與梓斷爲琴瑟材
揚音清廟裏回顧三年前矮屋兩脚倚伸紙筆不

休懼遭有司否短翮翔青雲內省常顙泚濫先粉
署賢謬簪昌黎子庶幾金臺上蹀躞皆駉駉

壽徐館師

夫子明光殿崢嶸第一流名從天上唱香傍日邊
浮鳳沼通仙掖蘭臺抱御溝揮毫高宋賈作賦邁
應劉每奉延英對親陪五柞遊掌書周史記屬草
晉春秋

先帝恩殊渥

今皇寵更優風標高玉署姓字近金甌憶昔辭中
秘掄材到雍州羣倫瞻斗岳當代識驊騮遂以儒

林望還符帝夢求崇班先教胄清秩自鳴球璧水
春飛蓋槐林曉唱騶緋衣猶弟子絳帳半公侯禮
樂聲名大樞衡造化侔芸編繡鳳幄蓮炬出龍樓
舊德今誰似家聲古莫儔三珠同禁籞一氣盡瀛
洲甲第驚人瑞經綸翼聖謀蒼龍應贊毫非虎自
興周曾問侯芭字忻登元禮舟鉅公扶日月末學
荷新標水鏡常偏照砥礪亦共收晴暉涵海嶠化
雨決嵩丘伯仲師門並芝蘭戚好投華燈然綺閣
錦曲奏篴篥鴻烈微叅解瑤觴雜獻酬喜看風牧
在 聖主樂垂旒

月夜

疎雨微雲五鳳城一樽孤院對新晴
遙思故國深閨裏今夜牕前共月明

橫雲山人集卷之十

橫雲山人集卷之十

九

橫雲山人集卷之十一

雲間王鴻緒儼齋撰

望雲集

送同年龔含五請急僑寓金閨

草色鳴騶出建章送君吹笛酒壚香
未能把釣羊城外且復牽船鶴市傍
三載干戈喧簷簾萬山烽火暗枕榔
極知庾信多悲感花月吟時非故鄉

寄兄

暫脫朝衫愧未曾御橋三見玉河冰
幾回青草池塘夢芸閣挑殘午夜燈

橫雲山人集卷之十一

一

其二

親舍雲深路阻修那堪烽火動鄉愁
懷中諭蜀非無檄司馬金門已倦遊

其三

釣魚巖畔數株花兄弟開樽對月華
一別故園千里外幾年春色夢中賒

其四

鼙鼓天邊戰伐時鳳樓愁聽玉參差
快人最是南來鴈捧得雲中琬琰辭

奉送胡念菴先生覲畢旋豫章

總領諸侯古豫章三年方岳覲明光談經暫奉何
休席攬轡俄傳表紹觴仙客祠虛春水白將軍城
迥暮雲黃遙思幢蓋高吟地不盡烟波鳥路長

亦園春興奉和益都閣師元韻

春濃亭榭護沙堤翠碧千重柳帶齊吹去雜花迎
緩鞚飛來好鳥喚扶犁輕陰色散梅檀外斜日煙
分漢苑西佳景欣當調鼎暇關河極目暮雲迷

其二

平橋曲檻綠蘿牆却洗行厨傍水鄉乳燕弄花搖
素幔雛鶯啼絮落橫塘愛邀風月評詩具聊許煙

橫雲山人集卷之十一

十一

霞佐酒狂郭隗臺高芳樹早當年駿馬已蒼茫

其三

麥隴鳩呼怯曉寒花烟細細撲河干請纓却笑談
何易對酒休歌日大難江上蒼龍誰擊楫斗邊紫
電自登壇匡時須仗平淮策樽俎從容報治安

其四

潯沆城隅萬景收晝長無事狎沙鷗官因休沐尋
遊劇坐愛飛花繞逕柔池映碧窓疑曉鏡雨涼深
樹似新秋欣聽劍履層霄上郢雪吟成學唱酬

亦園秋興奉和益都閣師元韻

暫開平樂坐雲霞暇日軒車曲逕斜露濕桂叢佳
節近香飄蘭葉素心遐征南漫說扶桑柱命使空
懷博望槎猶喜謝公墓局在指揮金甲靜無譁

其二

金風瑟瑟動雲蘿徙倚亭臯白鴈過萬里猿啼巫
峽雨九秋鯨躍洞庭波幸依日下耽高詠正憶軍
中奏雅歌無限同仇期報國柱天勲業待蕭何

其三

鄉國煙波谷水濱門垂殘柳傍東鄰雲鴻數載高
堂遠風鶴三江畫角頻菊圃蒼涼遲載酒魚梁蕭

橫雲山人集卷之十一

三

瑟想垂綸名園不盡登臨目萬里秋懷動白蘋

其四

劍門烽火幾時收萬里關山接素秋露布書勞征
鴈足擣衣人憶大刀頭荒城故壘傳金柝八陣雙
甄擁鐵矛佇望虎牙同奮武明年饒吹下西洲

壽高陽閣師

清時勲業重蕭侯造膝偏聞紫殿留一已獨思天
下溺九重嘗借手中籌波浮舟楫江河遠夢叶龍
影戰伐收最是安危需柱石至尊端拱得銷憂

其二

沙堤待漏曉烟清劍珮花間射日明共倚韋公光
相業舊傳伊陟嗣家聲風塵每識千金駿霖雨能
銷萬國兵試看舞干襄 聖德不須年少請長纓

其三

兩朝元老百寮崇四海羣歌負宸功鼎定

先皇扶玉曆衣垂

今上補華蟲人歸壽域調羹裏天轉陽和坐論中
劇喜謝公饒白雪吟成蓬閣遍清風

其四

平津東閣倚雲開廿載清光滿上台檻外鵷鸞棲

橫雲山人集卷之十一

四

玉樹簾前笙鶴下金臺園携醇酒花常發月倚仙
舟客自來最喜谿邊春思濶濫隨桃李十分栽

夜

霜風瑟瑟動窓紗故國音書旅鴈賒永夜聞砧難
入夢他鄉見月易思家干戈且喜人亡恙蒲柳應
憐鬢有華獨愧 聖朝容棄物未辭簪紱問桑麻

對酒呈大兄

獻策偏聞結 主知恩暉難借上林枝管寧未解
居龍尾荀勗何嗟奪鳳池對酒白駒人去候還家
青桂露零時鱸魚鱠細蓴絲滑陸瑁湖邊且詠詩

送顓士兄登第南歸次后張兄原韻兼寄仲
兄子武

相隨五載客都亭御柳啼鶯幾度聽詞賦競邀梁
苑雪公卿誰識少微星龍泉匣動神光紫書幌燈
吟夜雨青兄似更生終不賤弟今鯉也學趨庭謂后張兄也

其二

伯氏春風七寶鞭看花新宴曲江前才雄羣從惟
王儉珮解三公有呂虔鐵畫賞承天語近綵衣香
自御爐邊旁人爭羨成名早誰信公車已十年

橫雲山人集卷之十一

五

其三

秦山堂繞海東雲十里潮聲白晝聞雨散蒼龍時
天矯巖齊綠樹曉氤氳家園夢裏鳴禽合燕嶠愁
中旅鴈分仲氏莫嗟猶濩落形庭旦晚策奇勲

其四

白髮高堂悵各天每看兄去倍淒然葡萄花壓青
門酒駿馬人分灞柳烟烽火近知秦地息鐃歌新
自帝鄉傳別離俱在秋風裏留滯登樓有仲宣

贈后張兄次元韻兼呈顓士兄

吾兄浩歌長安亭和者雖稀識者聽冰心在抱浮

皓月文光照世搖秋星螢乾萬卷自頭白眼空千古誰人青乃知司馬非名士狗監吹噓入漢庭

其二

銅鞮醉唱欲倒鞭湖海豪氣真無前文憎時命似李白官冷吾曹如鄭虔數口妻孥燕日外故山雲樹扶桑邊羈棲羞向旁人道辜負漁竿又五年

其三

爛爛洛下稱機雲一編獨握百不聞西嶺到眼色青翠北窓高枕花氤氲東頭西頭呼唔應大山小山聲華分幽居弘景號宰相何必朝登光祿勳

橫雲山人集卷之十一

六

其四

座上誰誇尺五天兄也掉頭殊不然七貴園亭只蔓草五陵松栢餘秋烟興來欲闢陰符祕夢醒渾忘午漏傳我生杯鐺苦未識明日狂歌學阮宣

送同年韓珠崖歸娶

蓬山才子辭明光黃金絡馬紫絲韁歌曉唱灞陵月黃鸝數聲柳色涼三年常獻甘泉賦鷄樹日高翻四庫手持冰鑑入鄧林離離玉筍栽雲路錦衣歸去穠華春鷗絃鳳管媚芳辰玉堂爭羨乘鸞客金屋初歸詠絮人聯珠合璧交暉映乍分嬌面

盤龍鏡携得隄塵本上方畫成螺子雙蛾靚同調銀七獻高堂雙燕雙飛雙鶴旁花底魚軒扶玉杖樽前象服映珠璫此日鯉庭黃錄迎此時鳳閣紫綸擎恩光爛熳花純側雲母屏前巧笑生知君今代文章伯況是風流天上謫芙蓉峰畔芍陂邊棲遲莫忘長安陌

送蔣謂公假歸

幾載追陪向紫微忽攀灞柳思依依繪圖入告曾流涕折檻回來有釣磯石上管絃催畫舫洲邊蘭蕙逼春衣憑君問訊王猷竹猿鶴應慚客未歸

橫雲山人集卷之十一

七

朝罷起居館口號

委珮從容紫殿回絲綸館倚鳳樓開雲晴宮柳雛鶯出日暖罌恩乳燕來班管畫長翻汗簡鑾坡花靜坐莓苔侍臣每見天顏喜慚愧蘭臺作史才

夏日同年徐方虎招朱秩公唐依在朱采章

陳大年錢宸安胡孟綸劉亦朝胡廷一家

伯氏祖園宴集賦得涼字次韻四首

曾隨勝侶到雲莊綠柳叅天夾道長坐樹黃鸝迎客語窺魚白鶴愛溪涼幽巖樽酒宜晴日小閣蒲荷恍故鄉一別名園驚隔歲美君絲竹漫徜徉

其二

遙知避暑浣花莊共挽籃輿出郭長翠鳥拂簾芳
樹綠碧蟬吟露畫橋涼玉臺文藻真無敵金屋溫
柔更有鄉誰說笙歌幃幔隔謝公基墅一徜徉

其三

驪歌暫緩憩花莊爲說衝炎驛道長暑到畫堂湘
簾熱秋生征馬嶽雲涼絳紗暇日依仙侶紅豆新
詞滿帝鄉最是陽春難屬和清吟月下幾徜徉

其四

華亭歸夢一村莊拂戶槐陰歲月長春雨藥欄三

橫雲山人集卷之十一

八

徑潤秋風魚蘊五湖涼親因亂後頻傳信客爲花
時倍憶鄉旦晚朝衫還暫脫弟兄舞綵共徜徉

壽少宰宋蓼天先生四十韻

聖代持衡日天官翊亮功人歸九品正帝闢四門
聰灝氣懸清漢高襟挺碧嵩掄才山吏部博學杜
平東玉尺浮塵外冰壺獨照中三銓熙百職八座
徹層穹對客惟談月登臺或賦風清通誇叔則簡
要駕王戎矢志真寅直澄幽到冥濛中朝推水鏡
大雅詠梧桐夫子汪汪度王臣蹇蹇躬早知庭牧
馬應喜兆非熊昨者司文柄羣瞻鬱彩虹玉盤何

橫雲山人集卷之十一

九

堂履春客射圃弓桃蹊知獨盛棧樸自生叢講學
推韓愈開樽接孔融續紛看吐鳳激賞遍雕蟲猶
記門通謁欣依座發蒙品題生羽翼容易出樊籠
有類羊公鶴空名童子鴻願歌維岳降甌卜是三
公

寄慕鶴鳴中丞

屏翰東南久新加節鉞雄壯猷孚衆論特簡出
宸衷秩晉蘭臺重權兼栢府崇循行開赤棒坐鎮
領青驄誰續蒼黎命眞資保障功萬方悲碩鼠此
地集征鴻澤際江淮濶思隨雨露通旬宣歌虎拜